

## **ORDENANZA FISCAL NÚM. 113**

### **TAXAS POLA PRESTACIÓN DO SERVIZO DE MATADOIRO E CARREXO DE CARNES**

#### **ARTIGO 1º. CONCEPTO E OBXECTO**

1. En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración local de Galicia, este Concello establece as Taxas pola prestación do servizo de matadoiro e carrexo de carnes na presente ordenanza, as normas da cal atenden ó previsto nos artigos 20.4 e 57 do citado Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais.

#### **ARTIGO 2º. OBRIGADOS Ó PAGO**

Están obrigados ó pago da taxa regulada nesta ordenanza fiscal, quen se beneficie do servizo, prestado polo Concello, a que se refire o artigo anterior.

#### **ARTIGO 3º. TARIFAS**

A contía destas taxas regularase segundo a seguinte tarifa:

##### a) SACRIFICIO DE RESES

- Reses vacúas ou equinas:	0,17 €/quilo
- Reses porcinas:	0,15 €/quilo
- Reses ovinas:	2,45 €/res

##### b) TRANSPORTE

- Reses vacúas, equinas e porcinas:	0,06 €/quilo/canal
- Ovino sacrificado:	0,73 €/res

#### **ARTIGO 4º. OBRIGACIÓN E FORMA DE PAGO**

1. A obrigación de pago da taxa regulada nesta ordenanza, nace dende que se realice o servizo.

2. A cobranza realizarase directamente polo concesionario do servizo.

### **DISPOSICIÓN COMPLEMENTARIA**

Para todo o non previsto expresamente nesta ordenanza fiscal, será de aplicación directa a regulación contida nos artigos 20 a 27 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, e as demais normas concordantes de rexime local, e subsidiariamente os artigos 6 a 23 da Lei 8/1989, do 13 de abril, de taxas e prezos públicos, así como os preceptos concordantes da Lei xeral tributaria e da Lei xeral presupostaria.

Tamén serán de aplicación directa os preceptos pertinentes da Ordenanza fiscal xeral.

### **DISPOSICIÓN FINAL**

A presente ordenanza aprobada e modificada respectivamente por acordo do Concello Pleno do 5 de novembro de 2001 e do 23 de decembro de 2008, entrará en vigor o día da súa publicación no Boletín Oficial da Provincia, e comezará a aplicarse a partir do 1 de xaneiro de 2009. Permanecerá en vigor ata a súa modificación ou derogación expresa.

<b>PUBLICACIÓN ÍNTEGRA:</b>	BOP núm. 297 do 29 de decembro de 2001
<b>MODIFICACIÓN:</b>	BOP núm. 74 do 31 de marzo de 2003
<b>MODIFICACIÓN:</b>	BOP núm. 297 do 29 de decembro de 2003
<b>MODIFICACIÓN:</b>	BOP núm. 299 do 30 de decembro de 2004
<b>MODIFICACIÓN:</b>	BOP núm. 298 do 30 de decembro de 2005
<b>MODIFICACIÓN:</b>	BOP núm. 298 do 30 de decembro de 2006
<b>MODIFICACIÓN:</b>	BOP núm. 299 do 31 de decembro de 2007
<b>MODIFICACIÓN:</b>	BOP núm. 299 do 30 de decembro de 2008